



Bosna i Hercegovina
Federacija Bosne i Hercegovine
Srednjobosanski kanton/Kanton Središnja Bosna
Kantonavno tužilaštvo Srednjobosanskog
kantona/Kantonavno tužiteljstvo Središnja Bosna
Travnik

Broj: T06 0 KT 0037498 25

Travnik, 15.12.2025. godine

KANTONALNOM SUDU U NOVOM TRAVNIKU

-Sudcu za prethodno saslušanje-

Na temelju odredbe člana 45. stav 2. točka i) i člana 241. stav 1. Zakona o kaznenom postupku Federacije Bosne i Hercegovine, podižem

OPTUŽNICU

Potvrđena dana 15.12.2025. godine

Protiv:
Emira Čukurija,

Rješenjem Kantonalnog suda u Novom Travniku određen pritvor, a po Rješenju Kantonalnog suda u Novom Travniku pritvor produžen i trajao do 17.08.2025. godine.

Zbog postojanja osnovane sumnje da je:

Dana 18.05.2025. godine oko 14,45 sati, u naselju Handek broj V, općina Bugojno, u namjeri da liši života drugog, u stanju alkoholiziranosti sa koncentracijom alkohola u krvi od 1,76 promila sa svog posjeda koji graniči sa posjedom oštećenog A.K. bacio busen zemlje na fasadu kuće A. K., pa kada je oštećeni začuo udar izišao je pred kuću i ugledao Emira Čukuriju koji je stajao u svom dvorištu, te ga upitao „zašto nam ovo bacaš“, na što je isti odgovorio „majku vam, pobiću vas sve“, zatim se oštećeni udaljio prema drvarnici koja se nalazi iza garaže kako bi uzeo metlu da pomete bačenu zemlju, pa dok se vraćao uskim prostorom uz ogradu koja dijeli dvorište Emira Čukurije i oštećenog A. K. uočio je da ima rasute zemlje uz garažu koju je potom počeo mesti gdje mu je prišao Emir Čukurija penjući se sa svog posjeda na betonsku coklu na kojoj je postavljena metalna ograda odakle oštećenog jednom rukom hvata oko vrata i povlači prema sebi, a drugom rukom zamahuje nožem dužine 19,50 cm, sa pvc drškom, zeleno bijele boje sa sječivom dužine 9 cm sive boje sa zelenim premazom i zadaje oštećenom ubodnu ranu u predjelu grudne kosti, svjestan da ubadanjem oštricom noža te dužine u predjelu vitalnih organa može usmrtiti oštećenog što je i htio, na koji način je oštećenom zadao laku tjelesnu ozljedu u vidu ubodne rane dužine 2 cm u predjelu grudne kosti - V. Punctum thoracis reg. praesternalis, pa kada se oštećeni otrgnuo ponovo je pokušao da

ga dohvati i privuče sebi istovremeno hvatajući dršku od metle koju je oštećeni držao u ruci, te ponovo zamahuje nožem u pravcu oštećenog kako bi mu zadao povrede, pa kada se oštećeni otrgnuo i krenuo prema kući zadao mu je udarac zatvorenom pesnicom u predjelu leđa, da bi oštećeni uslijed zadobijenih povreda bio prevezen u Bolnicu Bugojno.

Dakle, sa namjerom pokušao drugog lišiti života.

Čime je počinio kazneno djelo pokušaj Ubojstva iz člana 166 stav 1 u vezi sa članom 28 Kaznenog zakona Federacije BiH.

KANTONALNA TUŽITELJICA

Poštovani predstavnici medija, molimo Vas da prilikom prenošenja vijesti imate u vidu da osobe na koje se odnose vijesti i informacije iz Kantonalnog tužilaštva Travnik, imaju status osumnjičenih ili optuženih osoba. Podsjećamo na načelo presumpcije nevinosti koje definiše da se niko ne može smatrati krivim dok mu se krivica ne dokaže pravosnažnom presudom